



Comunu de Quartu Sant'Aleni
Tzitadi Metropolitana de Casteddu

DELIBERATZIONI DE SU CONSILLU COMUNALI

Nùmeru 05 de su 13/02/2024

Ogetu: Dèpidus a foras de su bilàntziu – ex art. 194, c. 1, lit. A) D.Lgs. 267/2000 po mori de Sentèntzia n. 2759/2023 de su Tribunali de Casteddu RG 3393/2023 - OMISSIS + FALLIMENTU DOMU DE CURA PRIVADA “POLISPECIALISTICA SANT'ELENA S.R.L.” c/ Comunu de Quartu Sant'Aleni - Arreconnoscimentu.

S'annu 2024, su 13 de su mesi de Friaxu, a ora de is 12.07 in Quartu Sant'Aleni, in sa sala de su Consillu, cunvoca cunforma a sa lei, s' est atobiau su Consillu Comunali. Funt presentis is sennoris:

MURGIONI Rita	Eja	PANI Antonio	Eja
AMORE Francesco	Eja	PAU Massimo	Eja
ANGIUS Romina	Eja	PERRA Laura Savina	Eja
BUSONERA Stefano	Eja	PILUDU Francesco	Eja
CADONI Barbara	Eja	PIRAS Valeria	
CAREDDA Francesco	Eja		
CARRERAS Mauro	Eja	PISANO Michele	Eja
DEL ZOMPO Marina	Eja	SARRITZU Martino	No
DELIGIOS Luisella	Eja	STEVELLI Christian	Eja
DELOGU Maria Paola	Eja	TOCCO Franco	Eja
DEMURTAS Anna Maria	Eja		
DEMURTAS Maria Antonietta	Eja	TOLU Ignazio	Eja
DESSI' Alfredo	Eja	TORRU Lucio	Eja
GIUA Maria Assunta Caterina	Eja	USALLA Elisa	Eja
LIGAS Mauro	Eja		
MILIA Graziano Ernesto	Eja		
NAITANA Vincenzo	Eja		

Presentis: 28 Ausentis: 1

Pigat parti a sa setziada su Segretàriu Generali Maggio Paolo. Ndi liat sa presidèntzia Murgioni Rita.

SA PRESIDENTI DE SU CONSILLU COMUNALI
RITA MURGIONI

Sighendi sa setziada presentat sa chistioni posta in s'Agenda de is traballus po sa dii cun ogetu:

“Dèpidus a foras de su bilàntziu – ex art. 194, c. 1, lit. A) D.Lgs. 267/2000 po mori de Sentèntzia n. 2759/2023 de su Tribunali de Casteddu RG 3393/2023 - OMISSIS + FALLIMENTU DOMU DE CURA PRIVADA “POLISPECIALISTICA SANT’ELENA S.R.L.” c/ Comunu de Quartu Sant’Aleni - Arreconnoscimentu.”;

De chi s'est votau:

Presentis: n. 28;

Ausentis: n. 1 (Martino Sarritzu);

Votantis: 18;

Votus a favori:18;

Si ndi funt aostaus: 10 (Romina Angius, Barbara Cadoni, Francesco Caredda, Maria Paola Delogu, Antonio Pani, Laura Savina Perra, Francesco Piludu, Michele Pisano, Christian Stevelli, Lucio Torru);

Su Presidenti proclamat sa votatzioni e decrarat chi sa proposta de deliberatzioni est aprovada:

“Dèpidus a foras de su bilàntziu – ex art. 194, c. 1, lit. A) D.Lgs. 267/2000 po mori de Sentèntzia n. 2759/2023 de su Tribunali de Casteddu RG 3393/2023 - OMISSIS + FALLIMENTU DOMU DE CURA PRIVADA “POLISPECIALISTICA SANT’ELENA S.R.L.” c/ Comunu de Quartu Sant’Aleni - Arreconnoscimentu.”;

De chi s'est votada s'executividadì:

Presentis: n. 28;

Ausentis: n. 1 (Martino Sarritzu);

Votantis: 18;

Votus a favori:18;

Si ndi funt aostaus: 10 (Romina Angius, Barbara Cadoni, Francesco Caredda, Maria Paola Delogu, Antonio Pani, Laura Savina Perra, Francesco Piludu, Michele Pisano, Christian Stevelli, Lucio Torru);

Su Presidenti decrarat s'executividadì a manera imediata de custa delibera etotu.

SU CONSILLU COMUNALI

Liada a cunsideru sa proposta de deliberatzioni n. 03/2024 firmada de su Dirigenti de su Setori 5 – AFÀRIUS GENERALIS - ÒRGANUS ISTITUTZIONALIS - SERVÌTZIUS DEMOGRÀFICUS - URP, incarrigau cun Decretu Sindacali n. 28 de su 27/12/2023:

*“**POSTU CHI** s’art. 194, c. 1, litera A) de su T.U. in contu de ordinamentu de is entis localis, aprovau cun D.Lgs. 267/2000, narat chi, cun deliberatzioni de su consillu, cun is tempus e is scadèntzias stabilius de su regulamentu de contabilidadi e assumancu una borta a s’annu, su Consillu Comunali arreconnoscit sa legitimidadi de is dèpidus a foras de su bilàntziu ocasionaus de sentèntzias executivas;*

Cunsideraus is “finalidadis e is printzìpius contàbilis de is Entis Localis” in su testu aprovau su 12 de su mesi de martzu 2008 de s’Osservatòriu po sa finàntzia e sa contabilidadi de is Entis Localis de su Ministeru de s’Internu chi in su printzìpiu contàbili n.2 “Gestioni in su sistema de su Bilàntziu” cun riferimentu a is dèpidus foras de su bilàntziu, e pruschetotu a is chi ndi benint de sentèntzia, narat:

- **Printzìpiu 101** – In s’in casu de dèpidus ocasionaus de sentèntzia esecutiva su sinnificau de su provedimentu de su Consillu no est cuddu de arreconnosci una legitimidadi de su dèpidu chi gai s’agatat, ma de torrai a su sistema de bilàntziu unu fenòmenu de rilevàntzia finantziària chi est crèsciu foras de custu”;

Pigau atu de sa sentèntzia de su Tribunali Ordinàriu de Casteddu n. 2759/2023, pronunziata a segus de s’arrecursu RG 3393/2023, presentau de ...omissis... curadori de su FALLIMENTU DOMU DE CURA PRIVADA “POLISPECIALISTICA SANT’ELENA S.R.L. (oindii “Salus Partecipazioni s.r.l.”), defèndias de su stùdiu de is abogaus Giampiero Tronci e Elisa Tronci c/ Comune, cun rechesta de annullamentu de s’ordinàntzia impunniada, est a nai a no dda ponni in aplicu; cun bincida de onoràrius e gastus de giuditziu, innui su Giugi at: - 1. aprovau s’opositzioni ...omissis...; - 2. annullada s’ordinàntzia ...omissis...; - 3. cundenna contras a s’opositzioni a sa rifata de is gastus de giuditziu, chi funt sa suma de èurus 1.885,88, cun èurus 1.276,00 po cumpensus, èurus 255,20 po crèscida po sa prèsentzia de prus partis cun sa pròpriu positzioni protzessuali, èurus 125,00 po gastus, cun in prus gastus generalis, c.p.a. e i.v.a.;

Bida sa comunicatzioni de is abogaus de sa controparti, trasmìtia cun PEC 102027 de su 19/12/2023, cun sa cali ant pediu su pagamentu de is sumas stabilidas;

Ca sa suma totali de arreconnosci che a dèpidu a foras de su bilàntziu a favori de [...], est paris a € 2.359,21 (duamillatrecentus e cincuantanoi/21) gastus e atzessòrius, magioratzioni po prus partis e gastus includus;

Ca sa giurisprudèntzia de sa Corti de is contus nd’at fatu bessiri a pillu sa diversidadi intra de su dèpidu ocasionau de sentèntzias esecutivas e is àteras previdias de s’art. 194 Testu Ùnicu Entis Localis (d. lgs. 267/2000), cunsiderendi chi candu ddoi at sentèntzia esecutiva de cundenna su Consillu comunali no tenit discretzionalidadi peruna, ca s’entidadi de su pagamentu est stabilida in sa misura inditada de su provedimentu de s’autoridadi giuditziària;

Postu chi su Consillu Comunali cun Deliberatzioni n. 116 de su 19.12.2023 at aprovau su Bilàntziu Finantziàriu de Previsioni 2024/2026 e sa nota integrativa, innu nc’ant assentau a tìtulu de dèpidu a foras de su bilàntziu ex art. 194, c. 1, lìtera A) de su D.Lgs. n. 267/2000 is resursas finantziàrias chi serbint”;

Cunsiderau chi s’art. 23 c. 5 de sa Lei n.289/2002 disponit chi: “Is provedimentus de arreconnoscimentu de dèpidu fatus de is aministratzionis pùblicas cunforma a s’artìculu 1, c. 2, de su decretu legislativu 30 de martzu 2001, n. 165, ddus trasmitint a is òrganus de averiguamentu e a sa procura de sa Corti de is contus”;

Arriciu, cunforma a is Artìculus 49 e 147bis de su D.Lgs. n. 267/2000, parri a favori in contu de regularidadi tècnica espressau de su Dirigenti de su Setori 5 – Afàrius Generalis – Òrganus Istitutzionalis - Servìtzius Demogràficus - URP, in prus cunforma a s’art. 49, c. 1, de su D.Lgs 267/2000, su parri a favori de regularidadi contàbili de parti de su Dirigenti de su Setori 2 – Programatzioni Econòmicu Finantziària – Controllu de Gestioni – Controllu Partetzipadas;

Arriciu, cun verbali n. 5/2024 de su 30/01/2024, parri a favori de su Collègiu de is Revisoris de is Contus cunforma a s'art. 239, c. 1, lit. b) p.6), de su D.Lgs. 18.08.2000 n. 267, prot. n. 9983 de su 01/02/2024;

Arriciu parri a favori de parti de su Segretàriu Generali cunforma a s'art. 97 c. 2 de su D.Lgs n. 267/00, de su T.U.E.L. 267/2000 e de s'art. 4, c. 4, de su Regulamentu Comunali asuba de is Controllus Internus;

Bius:

- su Decretu Legislativo 18 de austu 2000 n.267 cun su T.U. de is leis in contu de s'Ordinamentu de is Entis Localis;
- su D.Lgs. n. 118/2011;
- su Statutu comunali;
- su Regulamentu de su Consillu Comunali;
- su Regulamentu in contu de s'Ordinamentu de is Ufitzius e de is Servìtzius.

DELÌBERAT

De arreconosci comentis a dèpidu a foras de su bilàntziu, cunforma a s'art. 194, c. 1, lettera A) de su D.Lgs. n. 267/2000, cunforma a sa sentèntzia de su Tribunali Ordinàriu de Casteddu n. 2759/2023, pronunziata a segus de arrecursu RG 3393/2023, a favori de ...omissis... che a curadori FALLIMENTU DOMU DE CURA PRIVADA "POLISPECIALISTICA SANT'ELENA S.R.L. (oindii "Salus Partecipazioni s.r.l."), de sa suma totali de € 2.359,21 (duamillatrecentus e cincuantanoi/21);

De impinnai sa suma de € 2.359,21 (duamillatrecentus e cincuantanoi/21) òneris, atzessòrius, gastus a favori de ...omissis... che a curadori de su FALLIMENTU DOMU DE CURA PRIVADA "POLISPECIALISTICA SANT'ELENA S.R.L. (oindii "Salus Partecipazioni s.r.l.") che a beneficiàrius de sa sentèntzia arremonada in susu, cun imputatzioni in su capìtulu 12030: "Dèpidus a Foras de su Bilàntziu lettera A)" de su bilàntziu 2024, tzentru de costu 16.30.00006, finantziau cun intradas currentis, chi presentat sa cobertura chi serbit;

De trasmiti còpia de custa deliberatzioni:

- a su Collègiu de is Revisoris de is Contus;
- a su Responsàbili de su Setori;

De trasmiti custa Deliberatzioni a su Dirigenti Setori 10 - Intradas, Patrimòniu e Demàniu, SIC, URTD e Innovatzioni, Proveditorau e Economau, po is providementus chi ddis spetant;

De decrarai chi custa deliberatzioni est esecutiva luegus etotu, cunforma a s'art. 134, c. 4, de su d.lgs.vu 18 de austu 2000, n. 267.